



Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Exegesis Euangelij Lucæ XVIII.

[urn:nbn:de:hbz:466:1-47044](#)

dam apparuit, quod erimus. Scimus, quoniam cum apparuerit, similes ei erimus, quoniam videbimus eum, sicuti est. Cuius rei capiat similitudinem: Cum esset parvulus seu puer, loquebar imperfecte & balbutiens, ut mos est puerorum. Sapiebam quoque, puta pueriliter ut parvulus, agitabam quoque ludicra vi parvulus. Quando autem factus sum vir perfectus consummatusque vocationis, scientia atque iudicio, euacuauit, deserui contemptusque ea, que sunt parvuli, puerilia scilicet. Hoc modo bonorum imperfectio huius vita nobis peribit, ita tamen ut in aliā perfectionem ac plenitudinem in futura vita mutetur. Hoc namque tempore caliginosō, quo hic viuimus, videmus Dumum quasi in speculo & x̄nigmate suo. Per visibilia enim hæc, & maximè per hominem, qui ad imaginem Dei creatus est, in notitiam pertingimus Dei, contemplantes eum, quasi in speculo. In futuro autem seculo tunc videbimus eum facie ad faciem. Itaque nunc Deum cognoscimus imperfecte, & vix ex aliqua parte, tunc autem, hoc est, in futura vita cognoscamus eum, sicut & cognitus sum. Quamdiu autem in hac vita degimus, manent in electis & sanctis Dei coniunctim fides, spes, & caritas, quibus hærent Deo, è quibus tribus maxima est caritas. Spes namque & fides possent esse in homine informes. Porro charitas non potest esse informis, quæ alijs bonis vitam præstat & decorem.

*EXEGESIS EVANGELII EIVSDEM
Dominica Quinquagesima. Luca XVIII.*

NON immitterit quis admirari possit, quomodo fiat, ut hodierno die, qui hominibus præsertim mundanis gaudio est & lætitia, Ecclesia præter subtractionem canticorum lætitiarum memoriam proponat *Dominice passionis*. Nam dies hæc vocatur à vulgo *carnispratum*, eo quod in crastino quadragesimalis cibus maximè à clericis debeat sumi, & hodie carnis sit quasi ultimo die in esum sumendis, donec pascha illucescat, validicendum. Quare incongruum videtur huic temporis passionis Dominica memoriam applicare, quo tot sunt leuitates, totidemque abominationum transgressiones, ut iustius hic dies spirituspratum, quam carnispratum, vocaretur. Reuera enim non parum spiritus priuatur deuotine, cum nimium tribuitur carni. Admissa fuit olim à patribus recreatio aliqua hoc die, post quem magno feroore incipiebant homines poenitentia & abstinentia se macerare. Honestum enim gaudium non est prohibitum, licet hocnum præcipue laudetur, quod de bonitate concipiatur creatoris, quod debet beneficijs quoque augetur ab eodem acceptis: dum seipsum his indignum exanim sentit homo, gaudetq; in sola misericordissima dignatione Dei, quam super se liberalissimam ac copiosam videt. Pari modo gaudium quoque est religiosum, de euasione peccatorum, & de gratia se custodiente. Verum, recta lætitia spirituali, gaudio nunc se tradunt homines diabolico. A quo retrahere eos cupit Ecclesia, idcirco quod omnium maximè compungere debet mentem, historiam narrat summatis Dominicę passionis, ut memor res charitatis huius immensae, erubescamus seruitij captiuitatisque diabolice. Quomodo ergo mundus & diabolus suis filiis iugum imponit vitium & peccandi exercitium, ita Ecclesia suis alumnis ac deuotis Dominicę

*Gaudium
religiosum
quod.*

*Passionis Do-
minice me-
moriam cur-
hic insinue-
tur.*

passionis opponit exemplum. Mundus gaudet in operibus carnis, filii Ecclae compunguntur deuotis exercitijs spiritus. Illi latam currunt viam ad infernum, hi ambulant aetam viam spiritus. Verum redeamus, audiamusque Euangelium.

Ecce ascendimus Hierosolymam, & consummabuntur omnia, quæ scripta sunt per Prophetas de Filio hominis.

Hoc Euangelium tametsi hodiè legatur, est tamen hodiè non factum, sed et quæ hic leguntur, dicta & facta sunt circa vltimum Paschæ, quando iam Iesu à Galilæa ascenderat Hierosolymam, paulo post passurus. Tunc enim assumpsit discipulos suos, & ait illis secreto: Ecce ascendimus Hierosolymam. Quod passionem suam prædixit suis, idè fecit, ne postea nimium scandalizarentur discipuli, & videntes Iesum captū, putarent eundem non Matth. 26. potuisse euadere, sed manibus fuisse impiorum præoccupatum. Prædixit igitur suam passionem, quo ostenderet sœva, quæ ventura sibi erant, præpare quidem, sed vltro cum euadere posset, eadem subire. Deinde confortatores voluit contra futuram tristitiam, ut minus turbarentur, cum eueire cernerent, quæ sibi fuerant prædicta. Voluit autem secretò illis hæc dicere. Quare secreto? Ob evitandam turbationem. Homines enim compassui & formina deuota turbata flebitibus alios inquietassent. Hæc Christo Apostolis reuelante dubium non est Iudam quoque apostolum tunc adfuisse, qui ipsum erat traditus, sed an Iudas tunc adhuc bonus fuerit, nec ne ignoratur. Certè autem est, Christus quicquid dixit, qui eius cor videbat, ad illius (si fortasse malæ fuerit voluntatis) correctionem dixisse: Ecce, inquit ascendimus Hierosolymam. Vides cum vltro fuisse passum, qui ad locum ascendi passionis, vbi erat tradendus & flagellandus? Nisi vltro se tradere voluisset in mortem, non debuit ad locum accedere, quo se capiendum & interficiendum sciebat. Ascendimus autem dicit, quia à Galilea veniens ad montana ibat, vbi Hierusalem sita erat. Et consummabuntur omnia quæ dicta sunt per prophetas de Filio hominis. Quicquid de mea passione, quicquid de resurrectione scriperunt Prophetæ, nunc implebuntur, vnde quoque intelligatis me esse, quem prædixerunt Prophetæ, cùm eadem videritis in me impleri. Voluit autem consummari in Hierusalem & impleri, quæ de illo scripta sunt, non absq; ratione. Nec enim, vt dixit, capiebat Prophetam perire extra Hierusalem. Deinde congruebat, quia seipsum Patri pro viuiso erat immolatus mundo, vt hanc offerret hostiam in ciuitate sacerdotali, vbi erat templum & doctrina legis, quo simul inexcusabiliores fierent Pharisæi & Scribæ, apud quos erat scietia legis dum viderant in Christo impleri, quod prædictum in Scripturis legebant. Fuit præterea ciuitas hac Hierusalem regia metropolis. Christo autem Pater dedit omnia in manus, imo & post resurrectionem suam datam sibi potestate affirmat in celo & in terra. Ipse quoque rex est & sacerdos, propterea regnum suum non negavit coram Pilato, nec se regem abnuit, sed regnum suum non esse de hoc mundo asseruit. Regnum enim suum sapientiæ in parabolis testatur: Simile est regnum, inquiens, eorum decem virginibus. Et si nullus est regnum eorum homini regi, &c. de se & de Ecclesia loquens. Per passionem

Y 3 onem.

Lucas 13.
In Hierusalem
cur pati
Christus vo-
luerit.

Ioan. 13.
Matth. 26.
Ioan. 2.

Matth. 5.
Matth. 16.

17. VI

21

onem enim sibi acquisivit hoc regnum, ideo non abs te fuit, ut in regia veller pati ciuitate. Aduerte autem hic aliquid sublimioris eruditioris, qua semper in omni sua vita nos erudire voluit ad humilitatem. In illi enim & parua ciuitate, nempe in Bethlehem voluit nasci, sed in gloriola ac nobili ciuitate confundi, non querens honorem ex patria aut generatione, nec fugiens opprobrium, quod maius sibi nouit futurum ex ciuitatis nobilitate. In Hierusalem enim magna erat populi multitudo, & cum precepit, quando inter latrones ut unus illorum est extra ciuitatem Iesus ediebas, & in eorum medio crucifixus. Volut itaque solus & incognitus nasci, quo rursus alia ex parte humilitatem nos docuit, sed noluit solus & ignotus ex morte confundi. Heu quam longe alia est nostra superbiz cogitatio, qui magis videlicet, quam esse humiles volumus. Nos ubique de omnibus excusando, celando, fingendo, dissimulando agimus, ne confundamur, aut contemnamus nos defendentes. De Filio hominis. Hominis id est, virginis beatissime, cuius filium se plerumque ex humilitate nominat, cum sit etiam Dei. Quae sint autem, que prædixerint de eo Prophetæ, quandoquidem Petrus quoque confessus est dicens: Deus prænuntiavit per omnium Prophetarum patrem Christum suum sic: videamus.

Tradetur enim Gentibus, & illudetur, & flagellabitur, & conspuetur.

De eius traditione Psalmista dicit: Qui edebat panes meos, magnificans super me supplancementem. De eius agone & paurore mortis idem: Cor meum consumbatum est in me, & formido mortis ceuedit super me, Timor & tremor venerunt super me. De eius consputione & percussione Esaias. Faciem meæ non auersi ab increpantibus & conspuentibus in me. Itemq. Corpus meum dedi persecutibus, & genitibus vellentibus. Et Hieremias: Dabit persecutenti se maxillam, saturabitur opprobriis. De eius flagellatione Psalmista: Et fui flagellatus tota die. De eius damnatione in libro Sapientie: Morte turpissima condemnemus eum. De baulitione Crucis Esaias: Punctatus eius super humerum eius. De eius extincione & crucifixione denovo Psalmista: Foderunt manus meas & pedes meos, & dinumeraverunt omnia ossa mea. Quod præterea sceleratus est sociatus, quod pro iniuria suis rogaunt, & quod sponte in morte se dedit, Esaias: Tradidit in mortem animam suam & cum sceleratus reputatus esset, & ipse peccata multorum tulit, & per misericordias regnauit. De velutum quoque eius diuisione Psalmista: Divisunt sibi vestimenta nostra, & supervestimenta miserunt sortem. De eo quod clamauit se derelictum, Idem: Deus deus nescius respice in me, quare me dereliquisti? De sella portatione idem: Et dederunt in escam mean fel, & in siti miserauerunt me aero. De eius morte Daniel: Et occidetur Christus, & non erit eum populus, qui eum negaturus est. Et alia id genus multa. Quis omnia enumeret? Igitur de sola (prætermisso reliquo) resurrectione dicamus quia & eius Propheta Sophonias meminit, dicens: Expectame in die resurrectio mea in futurum.

Tradetur enim Gentibus ad illudendum. Quamuis Pater tradiderit Filium in morte, iuxta illud: Proprio Filio suo non pepercit Deus, sed pro nobis omnibus tradidit illum, & Filius quoque tradiderit seipsum sicut scriptum est: Tradidit

Lucr. 2.
In Bethlehē
cur nasci vo-
luerit Chri-
stus.

Math. 27.
Ioan. 19.

Ioan. 12.

Autor. 3.

Psalm. 40.

Psalm. 54.

Esaias. 50.

Ibidem.

Thren. 3.

Psalm. 61.

Sap. 21.

Esaias 9.

Psalm. 21.

Esaias 33.

Psalm. 22.

Ibidem.

Psalm. 68.

Dan. 9.

Sopho. 3.

Roma. 3.

Ephes. 5.

*Ubi semei ipsum pro nobis hostiam & oblationem Deo: tamen hic de Apostoli
fuit traditione & Iudeorum loquitur. Iudas enim Iudeus Christum vendi-
dit, & tam Iudax, quam Gentibus tradidit capiendum. Iudei vero Gen-
tibus, Pilato scilicet & Romanis tradiderunt Christum crucifigendum.*

I. *Iulus vii
fuerit Chri-
stus quater.*

*Illus autem fuit Christus quatuor vicibus. Primo, in domo Caiphæ.
De qua illusione apud Lucam scribitur *Vixi, qui tenebant illum, illudebant ei.* Luke 22.
Secundo, in domo Herodis: *Spreuisti eum, inquit, Herodes cum omni exercitu* II.
& illus est ab eo. Luke 23.
Tertio, illus est in praetorio Pilati, ubi militia
in coronam ei spineam imprimunt illudentes. Quarto in cruce illude-
bant ei, & principes, & milites dicentes: *Altos saluos fecit, seipsum non potest
saluum fecere.* Flagellabatur. In domo Pilati flagellis casus est, ut a planta
pedis usque ad verticem capitis non esset in eo sanitas. Imo usque ad co-
fatum nudationem (ut multi scribunt sancti) cum esset tenerrimo corpo-
re ac nobilissima complexione, casus est. Dicunt tamen quidam Christum
ante quoque fuisse flagellatum in domo Caiphæ tota nocte, ut propterea
illud deo intelligatur. Et *cæstigatio mea in matutinis.* Psalm. 62.*

Et postquam flagellauerint, occident eum, & tertiadie resurget. Et ipsi nihil horum intellexerunt. Et erat verbū istud absconditum ab eis, & non intelligebant quæ dicebantur.

Non passionem suam tantum futuram Apostolis narrat, sed etiam resurrectionem, ut cum unum eugenisse cernerent, aliud quoque futurum non desperarent. Et ipsi nihil horum intellexerunt, quia non intelligebant Scripturas, donec post resurrectionē illis aperuit sensum, ideo nihil iam intellexerunt. Non parum autem faciebat ad hoc, ut minus intelligeret, quod quia Christum, credebat Dei Elium, ideo de eius morte nihil poterant cogitare, sed ea quæ dicebat vera quidem esse, sed intellectum, quem non caperent, habere purabant, fortasse enim non existimabant eum moriturum, aut mori posse ratione diuinitatis.

Factum est autem cum appropinquaret Hiericho, caecus quidam se debat secus viam mendicans. Et cum audiret turbam prætereuntem, interrogabat quid hoc esset, Dixerunt autem ei, quod IESVS Nazarenus transiret.

Cum IESVS appropinquaret ciuitati, quæ erat Hiericho, cum appropinquaret, id est, cum vicinus esset ciuitati, quia alius Euangeliſta teferit idem miraculum factum dum exiret de ciuitate Hiericho, hoc est, cum adhuc vicinus esset ciuitati, ut intelligatur non accedens, sed recedens de ciuitate, iuxta Marcum, cum adhuc prope esset, refertur hoc facisse miraculum, quamvis fatus incongruus sit iste modus loquendi. Hoc autem miraculum Lucas hic anticipative narrat, & postea, quod de Zachæo dicendum fuerat, quasi neglectum repetit. Se debat secus viam men- dicans.

Et clamauit dicens: Iesu Fili David miserere mei: Et qui-

X 4 præ-

E. VI

21

præbant, increpabant eum, ut taceret. Ipse verò multo magis clamabat: Fili Dauid miserere mei.

Clamabat, inquit, puta magna voce & ardēti affectu: Iesu Fili Dauid miserere mei. Iesum nunquam viderat, relatione tamen aliorum, tanta de eo audierat, ut illum non solum Christum crederet, sed etiam sanitatis gratiam ab eo flagitaret. Quod enim Christum credidit, in hoc declarauit, quod illum Filium Dauid nominat, de cuius semine Christum nasciturum omnibus pafam erat. Et qui præbant, & qui sequebantur Christum, increpabant cœcum, ut taceret, ne turbaret suo clamore, aut Christum contemplantem, aut populum in itinere ad Christi sermonem auscultantem suo impedit clamore. Ipse verò multo magis clamabat: Fili Dauid, miserere mei. Magnus fuit desiderij feruor huius cœci, ideo noluit sibi prohiberi clamorē ad Iesum. Et tu quoq; nō finas impidere clamorem tuum, vel remorations præterita, vel sollicitudines futurę temporalis vitę, quādo ora ad Dōminum. Imo importunitate, ac orandi violentia tu eorum voces superes, ut tu solus in silentio audiaris, vocibus alijs, que se importune gerunt, compescitis, siue sedatis. Solet enim orantibus nobis frequentius tumultus vitorum obstrepere, & orationem nostram interturbare. Contra quem eo vehementior intentionis vis oranti est resumenda, quo distractionis atque euagandi pronitatem compescat.

Stans autem Iesus, iussit illum adduci ad se. Et cùm appropinquasset, interrogauit illum, dicens: Quid tibi vis faciam? At ille dixit: Domine, ut videam.

Stans autem Iesus, iussit eum adduci ad se. Feruens desiderium, feruentiorē fides cœci misericordissimum cor Iesu fistebat, quod nisi præstito beneficio transire noluit. Porro beneficium hoc dare potuisset illum non aduocando, atque interea eum expectando, sed benignitatem piissimi cordis sui glorioius nobis in exemplum cupiebat monstrare, & quam misericordes, clementesq; absque fastidio aut supercilie esse debeamus in pauperes, nos docere. Et cùm appropinquasset, interrogabat illum, dicens: Quid tibi vis ut faciam? Vide clementiam Saluatoris, ad omnia se paratum offert. Quid vis inquit, faciam? Vis eleemosynam, vis corporis sanitatem? Vtū vis, concedo. Domine, ut videam, hoc rogo. Lumen oculorum omnibus præstulit. Sine illo enim triste est gaudium, id quod Tobias facetus salutati Angelo respondens: Quale mibi gaudium erit, qui in tenebris fedeo, & lumen cœli non video;

Et ait illi Iesus: Respice, fides tua te saluū fecit. Et confessim vidit, & sequebatur illum, magnificans Deum. Et omnis plebs ut vidit, dedit laudem Deo.

Vt promptum se ad satisfaciendum cœci desiderio obtulerat, ita confessim ei, quod petij, largitur, imperatiue faciens miraculum. Respice: Et confessim vidit, qui fuerat cœcus, clarius videns ex gratia miraculi, quam vñquam potuisset ex natura videre. Et sequebatur eum magnificans Deum. Quo ostendit se non modò sanum in corpore, sed in spiritu etiam fa-

Tab. 5.

rum. Omnis autem plebs ut vidit, dedit laudem Deo. Laudem Deo optimè tribuit, cuius est omne bonum, & à quo omne est beneficium. Laudem namque Deo dare, est donum Dei, cuius est confiteri, nostram indignitatem, qua bona à Deo recipimus, agnoscere, & profundissima humilitate iuges eidem gratias agere. Quod omnibus nobis largiatur Iesus Christus Filius Virginis Dominus noster, Amen.

SERMO IN EADEM DOMINICA.

*Cuiusmodi fuerint iubilei priuilegia, & quomodo peccato-
rum obtineamus remissionem.*

ECCE ascendimus Hierosolymam, & consummabuntur omnia, que scripta sunt per Prophetas de Filio hominis, Lucae XVIII. Hodierna Dominica Quinquagesima dicitur, eo quod quinquaginta dierum tempus hoc includat, hodie quidem incepit, sed in Paschate terminandum, significat autem numerus hic remissionem. Quocirca in lege annus quinquagesimus Leuit. 5. erat iubileus, annus gaudij, remissionis, & libertatis. Simili modo nos nunc quoque poenitentiam incipientes, per quinquaginta dies continuamus, eandem in Paschate, vbi est quinquagesima huius finis, quasi in iubileo remissionem peccatorum recipientes. Multa enim in iubileo olim concedebantur, quæ nobis spiritualiter per passionem nunc conceduntur Christi. Idcirco & hodie memoria Dominice recensetur passionis, quæ nos ad remissio-
nis libertatisque iubileum credamus perductos.

In iubileo namque siebat remissio debitorum. Qui enim quicquam debebat, quod ante tempus non poterat soluere iubilei, iubileo adueniente liberabat ab omni debito. Sic nobis quoque in passione Christi debita peccatorum nostrorum sunt nobis dimissa. Omnes enim eramus debitores diuinæ iustitiae ex reatu originali peccati. Hoc debitum nostrum Christus nobis condonans ita condonat, ut pro nobis eadem etiam debita soluat Patri, ut in Psalmo loquitur: *Quoniam rapui tunc exolutebam.* Secundum quod concedebatur in iubileo, erat, quod venditores ad vendita reuertebantur. Ne-
mo enim agrum, aut aliquid simile perpetuò potuit vendere, præfertim ex traictuatem constitutum, sed ad annum duntaxat iubilei vendebatur omnis possessio, suppeditando iuxta annos distantes à venditionis tempore, usque ad futurum annum iubilei, precium & iuxta estimationis frugum agri. Porro in anno iubilei reuertebatur, quod venditum erat, ad possessorem suum primum. Et nos quomodo gratis, hoc est, alieno peccato venun-
dati sumus, ita etiam sine argento sumus redempti, hoc est, redempti sumus precioso sanguine agni immaculati & incontaminati Iesu Christi Filii Dei. 1. Pet. 1. *Disciplina enim pacis nostra super eum,* ut Esaias dicit. Quod dictum est: disciplina seu correctio, quæ nobis debebatur & peccatis nostris, facta nobis est disciplina pacis, quia nos non sustinuimus eam, sed nobis donata est, & Christo imposta. In ipsum enim Pater posuit iniurias omnium. Quo-
modo autem imposta sunt peccata omnium super eum, ita etiam disciplina pacis nostra, id est, quam nos pati debueramus, sed condonata est, imposta est super eum. Tertium erat, quod in iubileo obseruabantur, quia serui, qui fuerant proprii ac venundati, in iubileo manumittebantur, & libertati re-
stitue-

E. VI
21